



**Yāmb a pagb zama, maan-y doose, tɪ ad b wilga  
maam yāmba, tɪ yāmb sōor n yuud Bugum koambē  
wā». La b yeel yā: la yaa bōe yīnga Wēnd Tēn-tuumā?  
La a yeele: «yāmb wusgda kāabgo la y maan sōm-  
zulem ne sɪdr vum-n-taare, mam ka yā neb yam la b  
dīin sēn booge, n tōe n menemes rao yam sēn yaa  
sēb suk soaba n leb n yuud yāmb a pagb ye**

Yii a Abu Sa'ūd Al-ḥudriy nengē (Wēnd yard be a yīnga) a yeelame: Wēnd Tēn-tuumā (Wēnd puusg la A tɪlgr be a yīnga) yii kibs bɪ no-lokr raar n kēng Puus zεεgē wā, n puusg pagbē wā n yeele: «Yāmb a pagb zama, maan-y doose, tɪ ad b wilga maam yāmba, tɪ yāmb sōor n yuud Bugum koambē wā». La b yeel yā: la yaa bōe yīnga Wēnd Tēn-tuumā? La a yeele: «yāmb wusgda kāabgo la y maan sōm-zulem ne sɪdr vum-n-taare, mam ka yā neb yam la b dīin sēn booge, n tōe n menemes rao yam sēn yaa sēb suk soaba n leb n yuud yāmb a pagb ye», la pagbā yeel yā: la tōnd dīinā la d yamā boogrā yaa bōe, Wēnd Tēn-tuumā? La a yeele: «Rē yīnga pag kaseto a ka wala rao kaset pusuk laa?» La b yeele: yaa sɪda, la a yeele: «Yaa rēnda la yamā boogrā, la rē yīnga yāmb ned fāa sā n yā Pekre, a ka basd Puusg la no-loeere?» La b yeel tɪ yaa sɪda, la a yeel yā: «Yaa rēnda la dīinā boogrā».

[Naşun Şahuhun (Gom-sikdem sēn manege)] [B zemsa taab a zugu (A Al-Buḥariy la a Muslim n reeg-a)]

Nabiyaamā yiime (Wēnd puusg la A tɪlgr be a yīnga) tigr raar n na n kēng Puus zεεgē wā, la a ra pulma pagbā t'a na n welg-b lame n maan waazu, n kell n pids pulengā ra-kāngā, n yeele: Yāmb pagb zama! Maan-y sara la y wusg zūnuub yaafa kosgo, tɪ ad bāmbā b yiibā n yuud zūnuub-rāmb lubri, bala mam yāa yāmba, saasē ruurā raare, yāmb waooglem n yuud Bugum koambā. Tɪ pag sēn tar yam la koeεg zīnd be n yeele: la yaa bōe n kɪt tɪ tōnd yuud Bugum koamba ne waooglem, Wēnd Tēn-tuumā? La a yeel yā: ad yaa yel yīnga: yāmb wusgda kāabg la tuya la y maan sōm-zulem ne sɪd hake. Rē poorē t'a sɪf-ba ne a sēn yeele (Wēnd puusg la A tɪlgr be a yīnga): mam ka yā yam koes-rāmba la dīin sēn ka pidi, sēn tōe n wil yam bedr soaba la sēb suk soaba, n wil-a a yellē, n yuud yāmb a pagbā ye. La a yeel yā: Wēnd Tēn-tuumā, la yamā la dīinā boogr yaa bōe? La a yeel yā: sā n yaa yamā boogrā, yaa tɪ pagb a yiib kaset zema rao a yembr kaseto, wānde wilgda yamā boogre, la dīinā boogrā yaa tuum sōngā boogre, bala yāmb yembr fāa zīndida yundo la rasem-rāmba, n ka puusdē, Hayd sabab yīnga, la a kaood noor Ramadaanā Hayd sabab yīnga, wānde yaa dīinā boogrā. La b ka sābsd yāmb ne yel-kāngā ye, b leb n ka na n yōk-yā ne yel-kāngā, bala yēnda yaa Wēnd naaneg la

rě, wala ninsaal b sě̃n naan-a t'a nong arzeka la a yaa yǎgda a yelǎ pugě, n yaa zita la zě̃ng sě̃n ka rě̃ndǎ, la Nabiyaamǎ nek-b lame n wildg yel-kǎngǎ tı yaa sě̃n na n bugs-ba tı b ra wa tug n kě̃ masub pugě ne yel-kǎensǎ ye.

<https://sunnah.global/hadeeth/mos/show/10011>

النجاة الخيرية  
ALNAJAT CHARITY

